



Broj: 01- 5087 /22
Sarajevo, 21.12.2022.godine.

Na osnovu člana 64. stav (1) tačka b., člana 70. stav (1), (2), (3), (6) Zakona o javnim nabavkama („Službeni glasnik BiH“, broj 39/14 i 59/22), člana 71. Zakona o visokom obrazovanju („Službene novine Kantona Sarajevo“ broj: 36/22), člana 108. Statuta Univerziteta u Sarajevu, a na osnovu Zapisnika o pregledu i ocjeni ponuda Komisije za javne nabavke, broj: 01-4983/22 od 16.12.2022. godine, dekan Fakulteta, donosi sljedeću:

ODLUKU

o izboru najpovoljnijeg ponuđača za nabavku radova – Rekonstrukcija fiskulturne sale

Član 1.

Prihvata se preporuka Komisije za javne nabavke iz Zapisnika o pregledu i ocjeni ponuda broj:01-4983/22 od 16.12.2022.godine za izbor firme BRAČA KARIĆ d.o.o. Zenica, ul. Zmaja od Bosne bb (Poslovna zona 1), 72000 Zenica, IDB:4218088650000 za najpovoljnijeg ponuđača za izvođenje radova na rekonstrukciji fiskulturne sale za potrebe Univerziteta u Sarajevu - Fakulteta sporta i tjelesnog odgoja, prema kriteriju „najniže cijene“.

Ugovor o javnoj nabavci radova na rekonstrukciji fiskulturne sale za potrebe Univerziteta u Sarajevu - Fakulteta sporta i tjelesnog odgoja, dodjeljuje se firmi BRAČA KARIĆ d.o.o. Zenica, ul. Zmaja od Bosne bb (Poslovna zona 1), 72000 Zenica, IDB: 4218088650000, čija ukupna cijena ponude predmetne nabavke radova iznosi 29.930,01 KM bez PDV-a (slovima:Dvadesetdevehiljadadevetstotinatrideset i 01/100KM), odnosno 35.018,11 KM sa PDV-om (slovima:Tridesetpethiljadaosamnaest i 11/100KM).

Član 2.

Izabrani ponuđač je obavezan u roku od 5 dana od dana prijema ove odluke u svrhu dokazivanja lične sposobnosti (član 45.Zakona) ugovornom organu dostaviti slijedeće:

- a. Uvjerenje Suda BiH i nadležnog suda prema sjedištu pravnog lica, odnosno kandidata/ponuđača, da u krivičnom postupku nije osuđen pravosnažnom presudom za krivična djela organizovanog kriminala, korupciju, prevaru ili pranje novca;
- b. Uvjerenje nadležnog Suda ili organa uprave kod kojeg je registriran ponuđač kojim se potvrđuje da nije pod stečajem ili nije predmet stečajnog postupka, osim u slučaju postojanja važeće odluke o potvrdi stečajnog plana ili je predmet postupka likvidacije, odnosno u postupku je obustavljanja poslovne djelatnosti;
- c. Uvjerenje nadležnih institucija kojim se potvrđuje da ponuđač uredno izmiruje dospjele obaveze, a koje se odnose na obaveze za penzijsko i invalidsko osiguranje i zdravstveno osiguranje;
- d. Uvjerenje nadležne/ih institucija o uredno izmirenim obavezama po osnovu direktnih i indirektnih poreza.

Dokazi koje dostavlja izabrani ponuđač ne mogu biti stariji od tri mjeseca, računajući od momenta predaje ponude. Izabrani ponuđač mora ispunjavati sve uslove u momentu predaje ponude, u



protivnom se smatra da je dao lažnu izjavu iz člana 45. Zakona.

Zadužuje se Komisija za javne nabavke imenovana odlukom dekana broj: 01-2238/22 od 08.06.2022.godine, da sačini Zapisnik o dostavljanju dokaza lične sposobnosti (član 45. Zakona) iz stave 1. ovog člana.

Član 3.

Ova odluka objavit će se na web-stranici fakulteta www.fasto.unsa.ba, istovremeno s upućivanjem ponuđačima koji su učestvovali u postupku javne nabavke, shodno članu 70. stav (6) Zakona o javnim nabavkama.

Član 4.

Ova odluka stupa na snagu danom donošenja i dostavlja se ponuđačima, shodno članu 71. stav (2) Zakona o javnim nabavkama.

Obrazloženje

Postupak javne nabavke pokrenut je Odlukom o pokretanju otvorenog postupka za izbor najpovoljnijeg ponuđača za nabavku radova – Rekonstrukcije fiskulturne sale broj: 01-4429/22 od 11.11.2022. godine.

Javna nabavka je provedena putem otvorenog postupka.

Procijenjena vrijednost javne nabavke bez PDV-a je 30.000,00 KM.

Obavještenje o nabavci broj: 29327-1-3-11-3-8/22 sa tenderskom dokumentacijom, objavljeno je na Portalu javnih nabavki dana 22.11.2022. godine, a sažetak obavještenja o nabavci objavljen je u Službenom glasniku BiH, broj: 78/22 od 02.12.2022.godine.

Tenderska dokumentacija je objavljena na portal "E-nabavke" u skladu sa članom 55. ZJN.

U periodu koji je ostavljen za dostavljanje ponuda, tačnije do dana 09.12.2022.godine, postavljeno je jedno pitanje i to dana 28.11.2022. u 12:22h, odgovoreno je putem portala 30.11.2022. u 12:03h. Pitanje i odgovor su putem portala bili dostupni svima koji su preuzeli tendersku dokumentaciju. Drugih pitanja nije bilo.

Na osnovu obavještenja na Portalu javnih nabavki i sažetka obavještenja u Službenom glasniku BiH, tendersku dokumentaciju sa Portala javnih nabavki su preuzela 22 (dvadesetdva) ponuđača.

Rok za dostavljanje ponuda bio je do 09.12.2022. godine u 12:00 sati. Javno otvaranje ponuda obavljeno je istog dana sa početkom u 12:30 sati o čemu je sačinjen i zapisnik o otvaranju ponuda broj: 01-4888/22 od 09.12.2022.godine.

Rang lista prihvatljivih ponuda prema kriteriju najniža cijena:



R.br	Naziv ponuđača	IDB/JIB	Početna cijena u KM bez PDV-a	Rang
1.	BRAĆA KARIĆ D.O.O ZENICA	4218088650000	29.999,50	1
2.	GALBOLS DOO	4200562660007	33.761,00	2

Komisija za javne nabavke dostavila je dana 16.12.2022. godine Zapisnik o pregledu i ocjeni ponuda broj: 01-4983/22 od 16.12.2022. godine,

U postupku je utvrđeno da je Komisija za javne nabavke blagovremeno i pravilno izvršila otvaranje ponuda i ocjenu prispjelih ponuda, u kojima je utvrđeno sljedeće:

- da je ukupan broj pristiglih ponuda 2 (dva)
- da neblagovremenih ponuda nije bilo
- da je blagovremeno zaprimljeno 2 (dvije) ponuda

Komisija je izvršila ocjenu pristiglih ponuda ponuđača i konstatovala da su iste prihvatljive, odnosno da su u skladu sa zahtjevima koji su navedeni u tenderskoj dokumentaciji.

U skladu sa tenderskom dokumentacijom i Obavještenjem o nabavci broj: 29327-1-3-11-3-8/22 od 22.11.2022. godine, za predmetnu nabavku predviđeno je provođenje E-aukcije. Ugovorni organ je nakon prijema, otvaranja i analize ponuda proveo e-aukciju u skladu sa Pravilnikom o uslovima i načinu korištenja E-aukcije („Službeni glasnik BiH“ broj 66/16 od 06.09.2016. godine).

E-aukcija kvalificiranih ponuđača je započela dana 15.12.2022. godine u 11:00:00 sati.

E-aukcija je završena dana 15.12.2022. godine u 11:14:00 sati.

Nakon svega utvrđenog Komisija je pristupila rangiranju prihvatljivih ponuda na temelju kriterija najniže cijene.

Rang lista prihvatljivih ponuda prema kriteriju najniža cijena poslije održane E-aukcije:

R.br	Naziv ponuđača	IDB/JIB	Konačna cijena u KM bez PDV-a	Umanjenje cijene	Rang
1.	BRAĆA KARIĆ D.O.O ZENICA	4218088650000	29.999,50	0,23%	1
2.	GALBOLS DOO	4200562660007	33.761,00	11,26%	2

Sljedom gore navedenog, nakon pregleda i ocjene ponuda i izvršene E-aukcije u postupku nabavke radova – Rekonstrukcije fiskulturne sale, Komisija za javne nabavke predložila je dekanu prihvatanje ponude ponuđača BRAĆA KARIĆ d.o.o. Zenica, ul. Zmaja od Bosne bb (Poslovna zona 1), 72000 Zenica,, prema kriteriju “najniža cijena”, te shodno članu 70. Zakona, donošenje Odluke o izboru najpovoljnijeg ponuđačana za predmetnu nabavku radova-rekonstrukcija fiskulturne sale.



Uvidom u priloženu dokumentaciju, nesporno je da je izabrani ponuđač BRAČA KARIĆ d.o.o. Zenica, ul. Zmaja od Bosne bb (Poslovna zona 1), 72000 Zenica, odabran primjenom kriterija najniže cijene koja je ponuđena u iznosu od 29.930,01 KM bez PDV-a, odnosno 35.018,11 KM sa PDV-om. Obzirom na naprijed navedeno, odlučeno je kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke. Žalba se izjavljuje Uredu za razmatranje žalbi Bosne i Hercegovine putem ugovornog organa u pisanoj formi. Žalba se podnosi u najmanje tri (3) primjerka.

Akt pripremila:
Senada Kovačević, dip. oec.

DEKAN FAKULTETA
Prof. dr. Haris Alić

Dostaviti:

- Dekan
- Ponuđači
- Stručni saradnik za javne nabavke
- Komisija za javne nabavke
- Računovodstvo
- Pravna služba
- Web stranica
- a/a

